

և ես ի գերեզմաներն գնացի վասն մի ժողովրդեան
Զիմառցոյ:

Նոյեմբեր ամիս օր Շաբաթ:

Կիրակի (2 Նոյ.) ընդ Մղտեսուն և ընդ Մինաս
պալէ ի Սուրբ Գէորք գնացաք առ Աստուածատուր
վարդապետն: Իրիկունս Եաղուպենցն էաք: Շաբաթ
երեկոյիս օր Կիրակի լուսանայր՝ բազում սարուճայք
սպանեցին, և պալթածի ոմն զօրպայ և ճէլալի եղեալ
ի դուրսն ըմբռնեալ՝ բերին և զնա ևս սպանին:

Առաւօտուս Բշի (3 Նոյ.) եկաք ի տունս մեր:

Եշի օրս (6 Նոյ.) ելեալ մեր եկեղեցոյ չար իշ-
խանքն¹⁾ և առեալ ընդ իւրեանս²⁾ պատրելով արս ո-
մանս, խանութէ ի խանութ գնալով և ձայնեալ զնոսա,
և զՂաւֆան ևս առեալ ընդ իւրեանս մինչև ԺԲ արանց՝
գնացեալ մօտ յԱստուածատուր վարդապետն և գան-
կատեալ յերիցանց մերոց թէ Ոչ կանգնին ի տեղս իւ-
րեանց ժամու. եւ չը կարեն յանուանէ, այլ զխօսսն
հաւսարի դընեն այլ յառաջ գնալով: Եւ Աստուածա-
տուր վարդապետն հարցանէ թէ Զորմէ՞ ունիք գան-
կատս. եւ ապա ասեն: Եւ նա ասէ թէ Նոցա հետ
մարդ բան չունի, քանզի նոքա իմ սպասաւորք են:
Յետ այնորիկ ասեն թէ Տո՛ւր մեզ թուղթ աւրհնու-
թեան զի տանիմք յեկեղեցիս մեր եւ ամենեքեան ի
տեղս իւրեանց կացցեն: Եւ կրկին վարդապետն զնոսա
արհամարհէ թէ Թուղթ տվող չեմ: Եւ այլ բանք բա-
զում խօսին անդ, եւ ոչ լեալ հաճոյ վարդապետացն
և ելեալ գան ամօթալից: Գան երեկոյիս և խորհուրդ
առնեն:

Եւ առաւօտուս Զշի (7 Նոյ.) միաբանին և ասեն
ընդ Տէր Աստուածատուրն մեր թէ Մի՛ մտցես յեկե-

1) իշխ.

2) իւրսն.